

**EUSKAL PRESOK.** Tolosaldeko udal ordezkari gehienek bat egin dute ekimenarekin

# Etixerat-ek dio zigorrak gogortuta lege hausteei «lege babes» emango zaiela

Noizko? Egunaren lekukoa jasoko du Tolosak igandean, hiru laurdenak bete dituztenen alde

Garbiñe Olaizola | **TOLOSA**

Zigorraren hiru laurdenak bete dituzten euskal presoek aldeko Noizko? eguna izango da datorren igandean Tolosan. Herri herri egiten den ekimenaren nondik norakoak aurkeztu zituen atzo Etixerat elkarteak prentsaurreko batean. Bertan izan ziren zigorraren hiru laurdenak bete dituzten Tolosaldeko bi presoren senideak, Tolosa eta Ibarako alkate Antton Izagirre eta Iñaki Urkizar alkateak eta Villabonako zinegotzi Iratxe Bidaola.

Etixeraten izenean Pepi Gorostidik jakinarazi zuenez, «egun 100dik gora euskal preso daude zigorraren hiru laurdenak beteta eta legearen arabera kalean egon beharko lukete». Tolosaldean egoera horretan lau preso daude: Jose Inazio Goikoetxea, Jon Tapia, Edorta Agirre eta Peio Odriozola.

Gorostidik adierazi zuenez, Espainiako Gobernuak «behin eta berriro urratu ditu bere legeak». Euskal Herriko alderdi politikoek eta instituzioek, «salbuespenak batzuk salbu, hutsaren hurrena egiten dute gure eskubideak babesteko», salatu zuen. Madril ek zigorrak gogortzeko berriki onartu dituen neurrien inguruan, Gorostiagak esan zuen horiek «lege hausteei babes legala emateko» balio dutela. Ekimen horiekin



JON URBE / ARGAZKI PRESS

Tolosako, Ibarako eta Villabonako alkate eta zinegotziak eta euskal presoek, atzoko agerraldian.

egingo dutena da, Etxerateko ordezkariaren arabera, «beste 40 urtez sufrimendua luzatzea». «Noiz arte jarraitu behar dugu horrela?», galdetu zuen eta zera erantsi zuen: «Bada garaia sufrimendua luzatu besterik egiten ez duten neurri errepresiboak alde batera utzi eta gatazka politikoari irtenbide politikoak aurkitzen hasteko».

Antton Izagirre Tolosako alkateak oroitarazi zuenez, azken urteetan Tolosaldeko udalek

## EGITARAUA

### IGANDEA, URTARRILAK 26

**11:00:** Euskal presoek senideei harrera egingo zaie Triangulo plazan.

**12:00:** Udalaren eta herritarren agurra izango da Plaza Zaharrean. Ondoren, senideek, kateak eskuan hartuz, kalejira isila egingo dute, musikaz lagundurik. Plaza Berrira iritsi ondoren ekitaldi bat izango da eta, bertan, Ramon Gaztelumendi Etixerat elkartearen bozeramaileak hitza hartuko du.

**14:00:** Bazkaria egingo da Apaiz Etxean.

euskal presoek aldeko hainbat erabaki hartu dituzte eta hainbat eskaera luzatu dizkiete kartzetako nahiz Espainiako Gobernuordezkariari. Tolosaldeko alkate eta zinegotzi gehienek Etixeraten ekimenarekin bat egin dutela esan zuen Izagirrek, eta senideei euren «babes beroena eta maitagarria» helarazi nahi dietela. Dei egin zuten «ideologi ezberdinetako udal ordezkariari» Noizko? egunean parte hartzeko.

## Poliziak Barandallaren aldeko protestaldiei «oztopoak» jarri dizkiela salatu dute

Erredakzioa | **DONOSTIA**

Bautista Barandalla presoak aske uzteko eskatzeko baraualdia egiten ari diren Bautista Etxia plataformako kideek euren protestaldiak egiteko «poliziaren oztopoak» jasaten dituztela salatu du Etixerat-ek. Atzo, Iruñeko udaltzainek udaletxetik bota zituen gose grebalaria, Angel Acebes Espainiako Barne ministroa bertara joatekoa zela esanez. Gero, kaleetan informazioa banatzen ari zirela, Espainiako Poliziak bertatik aldentu zituen. Iruñeko Espetxe Zaintzako epaitegiaren aurrean elkarretaratzea ere egin zuten.

Han idatzi bat utzi nahi izan zuten, baina ez zieten hartu. Herenegun, saltoki batean kalez jantzitako bi guardia zibilek plataformako kideak identifikatu zituen. Hilaren 16an, Yolanda Barcina Iruñeko alkateak batzar aretotik bota zituen presoek hiru senide.

Mobilizazioen barruan, gaur goizean Iruñeko Alde Zaharrean egongo dira eta 20:00etan elkarretaratzea egingo dute. Bestalde, Ocaña I kartzelako euskal presoek itxialdi mugagabea hasi zuten astelehenean. Iruñean dauden presoak hilaren 7tik gose greba mugagabea dira, eta irailaren 15etik itxialdian.



LANDER FDEZ ARROIAE / ARGAZKI PRESS

Gose grebalariek elkarretaratzea, atzo, epaitegiaren aurrean.

## LABURAREN

### BAKek manifestazioa antolatu du otsailaren 1erako, Bilbon, Gandhiren hilketaren urteurrenerako

Bakearen Aldeko Koordinakundeak manifestazioa egingo du otsailaren 1ean Bilbon, Mahatma Gandhiren hilketaren urteurrenean. Gandhik indarkeria ezaren alde egindako lana gogoratzeko du *Denok batera*. Gure eskubideen alde: bakea eta askatasuna lelopean egingo duen manifestazioan. BAK-ek adierazi duenez, Gandhiren hilketa gertatu eta 55 urte geroago indarrean dira bere esaldi ospetsuenetako batzuk.

### Josu Urrutikoetxea «gaizkile bilatuenen» Interpolen zerrendan sartu dute

Josu Urrutikoetxea Sozialista Abertzaleetako legebiltzarkidea «gaizkile bilatuenen zerrendan» sartu du Interpol-ek. Espainiako Auzitegi Gorenak nazioarteko bilatze eta atxilotze agindua eman zuen haren kontra iazko azaroaren 14an, 1987ko ETaren atentatu batekin lotuta inputatu gisa deklaratzeari birritan uko egin ostean. Auzi horretan Jose Manuel Soares eta Elena Beloki testigu gisa deklaratzera deitu zituen atzo Auzitegi Gorenak.

### Poliziek hauteskunde kanpainen parte hartu ahal izatea proposatu du IUk Kongresuan

Hauteskunde Legea aldatzeko lege proposamena aurkeztu zuen atzo IUk Espainiako Kongresuan, Estatuko segurtasun Indarrek hauteskunde kanpainen parte hartu ahal dezaten. Egun, alderdi bateko afiliatu izateko eskubidea soilik dute. Teo Santos ertzain eta Erne sindikatuko buruarekin izandako arazoaren ondorioa da proposamena, neurri batean.

### EAEko aurrekontuak bozkatzeko moduaren kontra egiteko beste bide batzuk aztertuko ditu PPK

Espainiako Auzitegi Konstituzionalak atzera bota du PPK EAEko aurrekontuak bozkatzeko moduaren kontra jarritako babes helegitea. Eta «beste bide batzuk» aztertuko dituela esan zuen PPK. Juan Maria Atutxa Eusko Legebiltzarreko presidentek osoko zuzenketak bozkatzeko prozedura aldatu zuen iaz.